

Ի բողոքէլ Եւտիբեայ առ Կայսրն՝ ել հրաման գումարէլ ժողով յԵփեսոս . եկն Դէոսկորոս Աղէքսանդրացի Եպիսկոպոսօք իւրոյ աշխարհին , Յորնաղ յԵրուսաղէմէ , և Պարսումայ երէց մենաստանին Ասորոց . հրաւիրեաց Թէոդոս և զհայրապետն Հռոմայ զԼեւոն , բայց նա առաքեաց զԲիսկոպոսիս իւր : ժողովեցան Եպիսկոպոսունք 130 և աւելի եւս յԵփեսոս՝ յԵկեղեցին Ս . Աստուածածնի , որոյ դահերէց էր Դէոսկորոս , եւ արդարացուցեալ զԵւտիբէս՝ կատարեալ ուղղափառ կոչեցին , եւ այս յաւէտ 'ի բանից Յորնաղ Պատրիարքի Երուսաղէմի , որ յառաջ մատուցեալ ասէր . դուանեմ զԵւտիբէս 'ի բանից իւրոյ կատարեալ ուղղափառ , և Դէոսկորոս հաստատեաց զսահմանս ժողովոյն զարձուցանելով նմա վերստին զիրաւունս պատուոյ երիցութեան և վանահայրութեան : Բարձին նաեւ զնզովս Փլարիանոսի 'ի վանականացն Եւտիբեայ բանիւք Յորնաղի , որ ասէր զայսպիսի ուղղափառսն արժան է ընդունիլ և դարձուցանել յիւրաքանչիւր 'ի կարգ աստիճանի իւրեանց : Ապա ած վճիռ զատուարտութեան Դէոսկորոս 'ի վերայ Փլարիանոսի և Եւտիբեայ ամբաստանողին Եւտիբեայ , և ձեռն արկին 'ի նոյն վճիռ 135 Եպիսկոպոսունք և վանահարք , ընդ որս և Պարսումայ Ասորի : Այլ թէ յետ այնորիկ ինչ գործեցաւ 'ի ժողովի անդ , Տե՛ս 'է Եւտիբէս Յարչանաբերութեան Քաղկեդոնէ ժողովոյն : Այլ վասն մահուան Փլարիանոսի զանազան են կարծիք . ոմանք ասեն վախճանեցաւ 'ի լիանաց անտի , և այլք թէ յաքսորս վախճանեցաւ . և ոմանք իսկ ասեն թէ ոտնակոխ եղև 'ի խուժաղութ վանականացն Պարսումայ և 'ի խոսն անդ և մեռաւ :

Վախճանեցաւ Կայսրն Թէոդոս Փոքր (450) . եւ քոյր նորին Պուզքեր ել յաթուռն կայսերական ամուսնացեալ ընդ Մարիկանոսի Թրակացի յազգէ . և դէտոյն Եւդոկեայ ամօք յառաջ մեկնեալ էր յԵրուսաղէմ , զրկեալ 'ի կայսերական պատուոյն . թէպէտ Սոկրատ եւ այլք ասեն թէ Կայսրն առաքեաց զնա (449) :

Ի բազմանալ խուովութեանց և 'ի յաճախել թղթոց Լեւոնի Պապին Հռոմայ , հան հրաման Մարիկանոս յամենայն դաւառս տէրութեան իւրոյ դալ ժողովիլ Եպիսկոպոսաց , և տեղի ժողովոյն սահմանեցաւ 'ի Քաղկեդոն քաղաք Բիւ-